

حزینہ محکمہ

جمعہ ایرتسی

مارت ۱۰ ۱۳۰۶ ۶۵۲۷
۵۳۸ ۳۰ ۱۳۰۷

(اشبو غزته بهر هفته جمعہ ایرتسی کونلری چیقار . سنه لکی در سعادت ایچون مجیدیه یکر می غروش)
(حسابیله التمش غروشدر . طشره لر ایچون اون بش غروش پوسته اجرتی ضم اولنور . بهر)
(نسخسی ینه مجیدیه یکر می غروش اولق اوزره یوز باره یه هر یر ده صاتیلور . درج اولنه جق)
(اعلاناتک هر برندن بر مجیدیه اخذ اولنور . سنه لکنه مشتری اولق استیانلر عدلیه نظا رتی)
(دائره سنده کاشن جریده محاکم اداره سنه مراجعت ایلملیندر)

وساٹر واسطه ابله کوشلری چالتمش و طغرا و یازیلری
سیلتمش اولان سیم مجیدی و اقسامنک خزینہ
جلیلہ یه و مال صندوقلرینه کتورلدکده قطع و وزن
ابله بهر درهمی طقسان التیشیر باره دن بدلنک
اصحابنه اعطاسی و بوبله اولیو و بده کثرت
استعمالدن طولابی بعض مرتبه آشمش و جزئی
سیلتمش و یاخود سیاهلتمش اولنلرک دخی معاملات
عمومیه بی اشکالدن محافظه صندوقلرجه قبول
اولنسی قراری اقتضاسندن اولدیغی حالده بعض
محللردن وقوعبولان اشعارانه کوره کثرت
تداوادن ناشی جزئیجه سیلتمسی جهنسله وزنآ
نقصانی اولان سیم مجیدی و اقسامنک مال صندوقلرجه

قسر سہمی

(فی ۲۸ رجب سنه ۳۰۷ و فی ۸ مارت)
(سنه ۳۰۶ تاریخنده عموم ولایات استیناف)
(مدعی عمومیلرینه و مدعی عمومی بولنمیان)
(محللر مدعی عمومی معاونلرینه یازیلان)
(تخریرات عمومیه صورتیدر)


برطاق صراف و محتکرلر طرفندن تیراب

قسم غیر رسمی

(اطباءك جرایم مادیه و علی الخصوص خطایای)
(فنیه زدن طولانی مرجع و اصول تحقیقات)

(و محاکمہ لری)

بویادہ بحث مقال و ہلہ اولیئہ نامجل
کوریلہ پور . چگونکہ بونلردن برنجی نوعك
جای مباحثہ اولدیغی ابردر . ایکنجی به کنجہ
بونك شمعی به قدر امشالی کورلامش و یاخود
تشکیلاتدنیرو یالکز برایکی دفعه موقع تعقیباته
چیقدیغی حالده استفادہ عمومیہ بی انتاج ابر
صورتده بر نتیجہ علنیہ به منجر اولامش اولمی
وازچله قوانین و نظامات جدیدہ آره سنده ببولده
برصراحت نظامیہ به ویا امرنامه سامی به دسترس
اولنه مامسی ملاساتیله بوکون عاجزانه مسئله
قانونیہ شکله قویق ایسته دیکم شو « خطایای
فنیه » حقنده یاپیلان سؤاله همان هر بر مخطب -
جرایم اطباءك بونوعی دخی جرائم ساره منلو
محاکم نظامیہ حضورنده تحقیق و محاکمہ و حکم
اولنور . و جرایم سارنده دخی یابلدیغی وجهه



قزلبه رسومات و دیون عمومیہ ورژی اداره لردن
بعضیلر نجبه قبول اولنماقده بولندیغی حساسیله
معاملات اخذ و اعطایه عظیم طور غونلق حاصل
اولدیغی اکلش و حالبوکه قرار محکوت موجنبجه
قبولی و بین الناس تداولی لازمکوب کثرت تداول
سببیله سیلمش و طغرا و یازولری او قونور درجه ده
بولنش اولان سیم مجیدی و اقسامنك وزن اصلیسنه
نقصان عارض اولمی طبیعی بولنش اولدیغندن
تیزاب و سار و اسطه ایله کوشلری چالغیوب
کثرت تداولدن وزناً نقصان اولان و طغرا و یازولری
او قونور درجه ده بولنان سیم مجیدی ایله
چار یکلرینك معاملات عمومیہ بی نخلدن وقایه
قبولی لزومی مجلس مالیه قرار یله بوکره مالیه
نظارت جلیله سندن باندکره اشعار اولنش و لازم
کلانلره تبلیغ کیفیت اولنق اوزره اشبو تخریراتك
نسخ مطبوعه کافیه سی لفا ارسال قلنش اولقله
اولوجهله معامله اجزاسی خصوصنه همت اولمی
سیاقنده شقه ترقیم قلندی .

جهت فنیه ایچون مأمورین عدلیه محلیه سی
طرفندن کوسرتیله جک لزوم اوزرینه دیگر بر
ویا خود بر قاج اهل فنك معلومات خصوصیه سنه
مراجعت ایدیلور . بوقسه « خطایای فنیه » نك
تحقیق و محاکمہ سی ایچون بشقه جه بر طریق قانونی
اچلمسه لزوم یوقدر - جوابنی و بر مکده در .

شوفکرک اصابتنی همان هرکس تصدیق
ایتمکده ایسه ده بونك امر تطبیقاتنده عاجزلرنجه
برطاق مشکلاته تصادف ایدلسندن و بونلرک
بالذات و بحقی حلی قابل اوله مامسندن ناشی
محضا استبضاح مشکل مقصدیله بویادہ کی مطا -
لعات خصوصیه می حقوق شناسان زمانك و هراهل
فن و مراقب انظار دقا بقیلرینه عرض ایله شخصیاتدن
کاری اوله رقی آرای حکیمانہ لرینی تمی ایلر و اساس
مسئله به کبریشمزدن اول « اطبا » ایله بونلرک
« انواع جرایمی » حقنده بر بنده جک بسط مقال
ایتمک ایسترم .

اول امرده « اطبا » دیدیکمز حالده کیلری
ا کلابورز ؟

اطبا دینلرکده کرچه یك نظرده یالکز
طبیبلر اکلشیلور ایسه ده فن جراحی و قابله ایله
اجزایلق صنعتی دخی صحت عمومیہ نقطه

نظرندن فن طبابتك اجزای ترکیه و متمه سندن
بولندیغی جهتله جراح و قابله و اجزایجلر دخی
بختزده داخلدر . فقط بمالکمزده برچوقلرینه
طیب و جراح و قابله و اجزایجی نامی و بر مکده
اولدیغندن ابتدا فن طبابتی و یاخود بر شعبه سنی
اجزایه کیلرک مأذون اولدیغنی ارایلم .

نظام مخصوصنك تعریف بچلمنه کوره اولاً
مکتب طبیه شاهانه دن اجازتنامه الانر ثانیاً
مقدملری سر اطبای حضرت شهرباری و یاخود
طیبه نظری طرفلردن رخصتنامه اخذ ایش
اولر ثالثاً ینه مقدملری مکتب طبیه شاهانه دن
خسته خانه لرده و طشره لرده هکیملک مأموریتیله
استخدام ایدلمش بولنلر . و رابعاً دیار اجنبیه
مکتب طبیه سندن مأذون اولدقلری حالده بعض
مسائل اوزرینه بوراجه برانخان و بر دکدنصرکه
اجازتنامه لرینی مکتب طبیه شاهانه دن تصدیق
ایتد برنلرکه جمعاً شو درت صورته استحصال
رخصت ایدن اهل فنور نظام مخصوصنك تعیین
ایلدیکی حدود مأذونیتلرینی تجاوز ایتمک شرطیله
داخل بمالکده اجرای فن و صنعت ایلرلر .

ذوات عمومی الیهك خارجنده کرچه بعض
اهل حواس و برطاق نوعاً تبحر به کار قیر قجی

وچیتقی و قوجه قاری کبی عوام ناس وارا بسده
فنون مذکور نك الك اوراق بر قسمی بیله فن
حقوق کبی یالکز مطالعات خصوصیه و ممارسه
مزمنه سایه سنده هیچ اولمازسه قسماً اولدقجه
قرنیه ییله چك حقایق و خفایادن بولندیغی جهتله
اول تجربه کار دینلان کسینه نه قدر ماهر و موقیایله
شهر اولسه بیله بر کونه اجازتنامه بی حاز بولنان
اهل فنه نسبتله قیاس قبول ایتیه چکنندن بومثالور
بالطبع موضوع بحتمز خارجنده قالورلر .

شوقدرکه دیار اجنیه مثلا پارس دار الفنوننده
کوکس و یروب نیجه مساعیدن صکره دیلومه
اخذینه موقی اولنلر دیلومه لرینی اصلولاً قید
وتصدیق ایتدیر مامشر ایسه ممالک محروسه
شاهانه اجرای فنه دهها مأذون بولندقلری شو
صرده بروجه زبر برکونا مظنونیت فنیهری
ظهورنده سبب مظنونیتلر نك حکمتنه ویدرنده کی
شهادتنامه نك هر فصلسه بر دار الفنون جانندن
ویرلش اولسنه بناء مومی الیهم بوراجه مأذون
اولان اطبا زمره محترمه سندن اخراج ایله
قوجه قاریلر اعدادینه ادخال ایله مز . اولسه
اولسه شهادتنامه لر نك غیر مصدق بولنسنندن
طولایی حقلرنده معامله قانونیه نك اجراسیله برابر

شو « خطایای فنیه » لری دخی اطبای مأذونه نك
مظنونیت فنیه سی اصولتجه فصل و خسم ابدیلور .
مابعدی وار
(نتوان قریه لی رنجبر اندون ولد ملقونك بعد)
(التحلیف ضبط اولنان افاده سندن مابعد)

س اورته دهی او کیمک
ج اورته یرده کی بنم او یمدر
س وارطانك اوی مانوقك اوینه نه قدر
اوزا قدر
ج اوست طرفنده در
س اوکیجه وارطانده مانوقك اونده بولندی
ج بولندی صکره کندی
س وارطان سنك آدینی دونو خبر وریور
ج بنم ادم اندوندر بعض آدم دونو چاغور

س موسی بک و آدم لر نك باجه بی دخی
قیردقلرینی سو بیلور سنك باجه دنده کیردیلمی
ج خیر باجه دن کیرمدیلر قپودن کیردیلمی
س بو افاده کی امضا ایت

ج یازو بیلم مهرم یوقدر یرمق باصارم
اندون ولد ملقون
یازو ومهری اولدیغندن یرمق باصمشر

فی ۱۱ تشرین اول سنه ۳۰۵
احمد حسین صدقی
(اشبو استنطاقنامه اون اوج صحیفه دن)
(عبارت اولدیغی حالده محلندن وارد اولان)
(اوراق ایله برابر تبلیغ اولنور فی ۱۷)
(تشرین اول سنه ۳۰۵)

احمد حسین صدقی

اشبو اوراق تحقیقیه مطالعه اولندی اوراق
میاننده بولنان ضبطنامه ده کلزارك و مقتولان
مرقومانك دیگر وارث شرعیلری وارطنان
ومراطك محلجه واقع اولان استجوابلرنده قائل
وغاصبرك اقشی قریه سی اهالیسندن بعض کیسه لر
ایله موسی بکک عونه سندن بعض کیسه لر اولدقلری
وموسی بکک اوراده بالذات کورنماش ایسه ده
سندن حس اولدیغی کورنماشنه نظراً مدعیه
کلزارك شمیدی ادما سیله مقدمی ادما وافاده سی
یئنده مبیانت کلیه اولدیغی کبی بو بایده ارئه
اولنان شاهدلرک دخی افاداتی یکدیگرینه مبین
بولندیغنه و شاهدلرن وارطانك ضبطنامه ده وارث
مشروع اولدیغی کورستریلان وارطنان اولوب
اولدیغی استیضاح وحل ایلماش ایدوکنه
وموسی بک ایسه نیسانك ابتدا سندن نهایتنه قدر
خویط قریه سنده بولندیغنی سوبلدیکنه وضبطنا .
مده کلزار و مانوق واغوبك آپاوانق قریه لی
اولدیغی محرر بولندیغی حالده استنطاقنامه ده
نتوان قریه لی کورستردیکنه بناء مدعی کلزارله
شاهدلرک تکرار جلب اولنهرق ادما وشهادت
واقعه ده اولان مبیانتك اسبابی سؤال و تعمیق
وموسی بکک خویط قریه سنده اولوب اولدیغنك
وخویط قریه سنك آپاوانق قریه سنه اولان بعد

و مسافه سنك محلندن باتلغراف استیضاحی ضمننده
 مذکره تسطیر و شاهد مرطک مقتولان مرقومانک
 وارث شرعیلری اولان مرط اولوب اولدیغنک
 کرکک شاهدلردن و کرکک کلزاردن سؤال و تحقیقیله
 برابر محلندن دخی استعلام کیفیت اولغنی ضمننده
 بوبابده دخی مذکره اعطاسی و توان و پاپوانقی
 ناملری برقریهنک اسمیمیدر بوخسه ایکسی بر
 معنایه میدر یوقسه بشقه بشقه قریهلر میدر بورانک
 دخی مدعیه و شاهدلردن استیضاحیله برابر محلندن
 دخی استعلامی و وارث مشروع اولان وارطانک
 درسه عاده کلوب کلدیکنک وزده بولنددیغنک
 و برکونه ادعاده بولنوب بولنددیغنک مدعیه دن
 استیضاحیله بوبابده برکونه ادعاسی اولوب
 اولدیغنک محلندن دخی استعلام ایلمسی ایچون
 دخی مذکره و برلمی طلبیله اعاده قننور
 فی ۲۴ تشرین اول سنه ۳۰۵
 شمس الدین
 (مظنون علیه موسی بکک تکرار ضبط)
 (اولنان افاده سیدرفی ۲۶ تشرین اول سنه ۳۰۵)
 س اخلاط قضاسنه تابع اولان طاپوانقی

قریه سنک اصل اسمی طاپوانقی میدر بوخسه
 توان میدر
 ج اخلاط قضاسنه بری طاپوانقی و دیگری
 توان اسمنده ایکی کوی واردر
 س بوکویلر برینه یقینمیدر
 ج ارالری ایکی ساعت قدر واردر
 س یکن نیسانده لیلآخاه سنده جرح و قتل
 اولمش اولان مانوق و اوغلی اغوب قنغی کوی
 اهالیسندن ایدی
 ج طاپوانقی کویلیدرلر
 س درسه عاده کلوب علیهکرده اقامه دعوی
 ایش اولان کلزار خاتون بومقتوللردن اغوبک
 زوجه سیدر
 ج بوکلزاری طاپوانقی ایدم اغوبک قاریسی
 اولدیغنی بورادهکی موشلیردن ایشیده بورم
 س بوکلزارله برابر مرط اسمنده بری دخی
 کلش و سزدن اقامه دعوی ایشیدر بو مرط
 مقتوللردن اغوبک قرنداشیمیدر

ج اغوبک قرنداشی دکادر یا اغوبک انشته می
 و یاخود اغوب انک انشته میدر خصوصیه بو
 مرط یکریمی بش سنه دنبرو استانبولده اولوب
 بومدت طرفنده اصلا مملکتنه کیتامشدر بونی
 بتون اصناف پیلورلر
 س اغوبک مراد اسمنده بر قرنداشی
 وارمیدر
 ج اغوبک قرنداشی اولوب اولدیغنی بیله مم
 س بورادهکی مرادک یکریمی بش سنه دنبرو
 مملکتنه کیتدیکنی کیلر پیلور
 ج طوپنخانه فابریقه سننده مستخدم موش
 اوه سندن مارنیکی عمله دن مجود و فابریقه جووانده
 قهوه جی بتلیسیلی خالد و بک اوغلنده تقسیمده
 قهوه جی موش اوه سننده نورنش قریه لی اوخانس
 ودها بک چسوق آدملر دخی پیلورلر اسملری
 پیلورم
 ج اوغلی وارمیدر
 س اغوبک قرنداشی اولوب اولدیغنی بیله مم
 س بورادهکی مرادک یکریمی بش سنه دنبرو
 مملکتنه کیتدیکنی کیلر پیلور
 ج طوپنخانه فابریقه سننده مستخدم موش
 اوه سندن مارنیکی عمله دن مجود و فابریقه جووانده
 قهوه جی بتلیسیلی خالد و بک اوغلنده تقسیمده
 قهوه جی موش اوه سننده نورنش قریه لی اوخانس
 ودها بک چسوق آدملر دخی پیلورلر اسملری
 پیلورم

س وفات ایدن اغوبک وارطان اسمنده
 اوغلی وارمیدر
 ج پیلورم
 س یکننده ضبط اولنان افاده کرده اوچیز
 بش سنه سی نیسانک ابتداسندن نهایتنه قدر خوبط
 قریه سننده بولمش اولدیغکری سولمش ایدیگز
 کیمک اونده مسافر ایدیگز
 ج خوبط قضانک اسمیدر ایچنده درت بش
 کویده بولندم ایکی اوچ کون بوقضا داخلنده
 قوزوار کوینده بشارک او طه سنده مسافر اولدم
 اورادن بیچون قریه سنه کیتدم اوچ کون مارغوصک
 اویته مسافر اولدم اورادن غودبچه کویته
 کیتدم درت کون مختار مرادک او طه سنده مسافر
 اولدم اورادن خونک قریه سنه کیتدم التی کون
 صفرینک اویته قالدیم اورادن ملال کویته کیتدم
 بش کون شیخ خلیک خانه سننده قالدیم اورادن
 بلوقه کویته کیتدم درت کون مختار اوزمانک
 اویته قالدیم اورادن پارزانه کیتدم التی یدی کون
 شیخ ناصرک خانه سننده قالدیم بوکویلر بربرلینه
 یارم و بر ساعت مسافه درلر پارزاندن کویته
 کلدیم طورمیوب فوطنی قریه سنه او کون کیتدم

ج قوزوان کوبینه نیسانک قاجچی کونی کیتدیگز

ج نیسانک یا اون بش و یا اون التنجی کونی قوزوان قریه سنه کیتدم

س شو حالده نیسان ابتدا سندن نهایتنه قدر خویط قضا سنده بولغامش اولدیغک اکلا شیلیور

ج ارادن وقت کچمشدر قاج کون قالمش اولدیغمی خاطر لیه میورم شو قدر خاطر مه کلور که

مارتک یا اون درت و یا اون بشنجی کونی خویطه کیتدم اوراده بر مدت اقامت ایدوب اندن صکره

قوطنی قریه سنه کیتدم شیخ افندی بتلیسدن قوطنی قریه سنه کلش ایدی بر کجه قالدق ابرتمی کونی

شیخ افندی ایله برابر بتلیسه کیتدک بتلیسه کیتدیگز زمان رمضان ایدی فقط رمضانک قاجچی ایدی

بیله میورم س رمضانی زده طوندیگز

ج خویطده طوندق فقط فغنی کوبده اولدیغی خاطر مده دکادر

س افاده کزی امضا ایدیگز

ج تمهیر ایدرم

فی ٢٦ تشرین اول سنه ٣٠٥

شمس الدین حسین صدیقی

(مدعی شخصی مرطک تکرار ضبط اولتان)
(افاده سیدر فی ٣٠ تشرین اول سنه ٣٠٥)

س سزک کویگز اسمی تو انمی طاباوانکمی

ج طاباوانک کویدر

س نتوان کوبیده وار میدر

ج واردر

س سزک افاده کزی ضبط ایتدیگز وقت

توان کوبی دیدیگز

ج بن طاباوانک قریه سی دیدم سزیا کلش یازمش سکر

س مانوق سنک نکدر

ج مانوق بنم بابامک بابا سیدر

س سنک باباک کیدر

ج ابراهامدر

س باباک ابراهام صاغیدر

ج صاغدر

س اغوب سنک نکدر

ج اغوب بنم عوجدر

س کلزار کیمک زوجه سیدر

ج اغوبک زوجه سیدر

س اغوبک قرانداشی وار میدر

ج قرنداشی پدرم ابراهامدر

س بشقه قرنداشی یوقیدر

ج واردر بری اوخانس و بری اسرا ایلدر

س مرط اسمنده سندن بشقه بر وارثی وارمی

ج خیر یوقدر

س وارطان اغوبک نه سیدر

ج اوغلیدر

س قاج یاشنده در

ج ییکرمی یاشنده در

س بو وارطان شمعی زده در

ج مملکتده در

س اغوب اولدر لیدیکی وقت مانوق و اغوب

وسن اوده میدک

ج اوت اوده ایدک

س قنلک عقبنده بر مستنطق و بر ضابطه

مأموری کلش افاده کزی المش

ج بن و پدرم افاده مزنی و بردک

س سز اولوقت مستنطقه مدعی عمومی

و کیلنه کیمه لین جمله مز بر اوده یاتمقده ایکن

ساعت اوج بیچی راده زنده اویمز طیشارودن

باصلمش اولدیغندن اولجه اغوب و بعده اوده

بولنان سائر نفوس خبردار اولوب اوصره ده

بالطه لره خانه مذکورک باغلی اولان قپور بی شکست ایله مسلماً فرق قدر اشخاص ایچرویه

کیروب اولجه مانوقک قپو اردنده ایکی خنجر ضربله سزک خبر یگز اولق سزین قرا کلنده قتل و تلف اولدیغی و بعده اشخاص مرقومه چیره یاقوب صند قلدردن موضوع باد فتر فرق بش بیک

بوز فرق غرو شلق نقود و اشيا و ساثره بي غارت
 و يغما ايله مر قوم اغو بي دخي قتل قصديه لى
 التحرى بوله ميور، اودن چيقدر قلنده مكر جاسوساً
 كوندوزك مسافرت صورتيله او طه كره كلوب
 اولوقت طيشاروده اشخاص مر قومه به قارشمش
 اولان كصور ناحيه لى يوسف بن على جونو نام
 كرد بونلره خطاباً اغوب اوده در كوز لجه ارايكز
 ديميله جمله تكرر ايجرويه كيروب اغو بي
 بتك اردندن چيقاروب طقوز خنجر و بر قورشون
 ايله ضرب و قتل و اوضرده ايكي خنجرده مقتول
 اغوبك زوجته سى كللى قادينك الرينه اوروب
 مجروح ايتش و بونلر فرق اللى نفرى متجاوز
 مسلماً سواری و پياده اولوب بعضيلى موش
 سجاغنه مر بوط اق پنس قريه سى اهالي سندن
 و ديكر لريده اشقياي مشهوره دن بولنان صيوانلى
 مرضا بك اوغلى موسى بك عونه سندن اكلشيلوب
 حتى موسى بك بالذات كندوسى دخي قپو او كنده
 حاضر اولوب كندوسى اكرجه شخصاً كوزلماش
 ايسه ده سسندن حس ايدلش و اقر با سندن عمر
 بك و جزاير بك و اق بنسلى رزقوو بدو و صوطو
 دخي اولوقت ايجرويه دخول ايدن اشخاص ايله
 برابر كوريلوب لكن مقتول مانوقى قرا كلقده
 قتل ايدنلر ايله اغو به طقوز خنجر اورانلر و كللى

خاتونى جرح ايدنلر تشخيص اوله ميسوب نه كونه
 اور دقلى دخي فرق ايدلماش اولديغنى سويلشسك
 بوراده ضبط اولنان افاده كرده ايسه موسى بلك
 ايتش درت كشى ايله كلوب قپورلى قپورق
 ايجرويه كيرديكنده ده دهك مانوق قارشوسنه
 چيقمش نه وقت كلدنده قپوم سكا آچيق اولماشده
 قپومى قپروب كيردك ديمش و موسى بك جزويه
 نه طور يورسك ديميله جزو مانوقه ايكي خنجر
 اوروب اولدبرمش و بالاخره موسى بك اغو بي
 دخي تحرى ايدرك بولوب اولدبرمش اولديغنى
 بيان ايتشسك بوراده افانده محلنده و يرمش
 اولديك افاده بيننده بك بيوك بر مبانيت كور يوروز
 بونك سببى نه در
 ج كوسترديككز ضبط ورقه سنده بنم امضام
 بوقدر بناء عليه بوضبط ورقه سى بنم سويلديكم
 كپي يازلماشدر مستنطقه طوغرى بدن طوغرى به
 افاده و يرمد بن اختيار مجلسنه سويلدم انلرده
 كلان مأمورله سويلشرققط كوسترديككز ضبطه
 كوره افادم يا كلش يازلماشدر
 س برده بوضبط ورقه سنده او كچه او يكرده
 خار جدن بر كسنه بولمى يغى و كچه حاليله محل
 وقعده خار جدن بر كسنه اولمديغنى سويلشسك

صكره بورابه كتورديككز شاهدرلى نصل تدارك
 ايتديكز
 ج بزم كوى اهالي سى بكرمى التى امضالى
 كاغد و يرمش اكر بو كتورديكم شاهدلر قبول
 اولنلر ايسه كوى اهالي سى كاملاً بورايه
 كله جك
 س بز شاهد قبول اولنوب اولمديغنى سويل يوروز
 وقعده زماننده كيمسه اولمديغنى سويلشسك بوشا
 هدرلى نصل تدارك ايتدك ديوروز
 ج ضبطه اوله يازلش فقط امضام و ارايسه
 قبول ايدرم بونده امضام بوقدر
 س سن يازو بيلوريسك
 ج خاير بيلم
 س نصل امضا ايله جسك
 ج مهرم واردر مهرمى با صاردم
 س بوضبط ايچون نه ديه جسك
 ج بن اوراده سزه و برديكم افاده كپي و بر دم
 اولنلر يا كلش يازمشلر

س سز كويدن قاچ كشى كلديكز
 س بش كشى كلدك
 س كيملدر
 ج بن واغوبك زوجته سى كازار واغوبك
 اوغلى طقوز اون ياشنده ميناس و شاهد اتمون
 و وارطان در
 س وارطان نيچون كلدى
 ج او بيزده بشقه ارلك اولمديغندن وارطاني
 اوده براقديق
 س اغوب قاچ ياشنده ايدى
 ج فرق فرق ايكي ياشنده وار ايدى
 س اغوبك قاچ اوغلى واردر
 ج ايكي اوغلى واردر برى وارطان برى
 ميناسدر
 س بورايه شاهدك ايچون كلان وارطان
 اغوبك اوغلى وارطان اولسون
 ج خير دكلدر ايستر ايسه كز بورادن

و مملکتیدن تحقیق ایدک

س شهادت ایچون کلان وارطانک باباسنک
آدی نهدر

ج اصادوردردر

س سزک کویکز خویط کوینه قاج ساعتدر

ج آق پنس قریه سی دخی خویط قضاسی
داخلنده در فقط خیر آق پنس قریه سی کصوز
ناحیه سننده در خویط ناحیه سی بزم کویمزدن
القی ساعتدر

س سزک کویکز پار یزن کوینه قاج ساعتدر

ج یدی ساعتدر

س موسی بکک افاده سنه کوره سز بکرمی
بش سنه دنبرو استانبوله بولنیور مشسکز وایشک
بو یله اولدیغنی ویکرمی بش سنه طرفنده اصلا
مملکتنه کیتدیکنزی اثبات ایده جکنی سویلیور

ج بن اصلا استانبوله کلدیکم یوقدر بوصفر
بوده سوی ایچون کلدیم

س بو افاده کی امضا ایت

ج یازو بیلم مهر مده خنده قالمشدر

مهری خنده قالدیغنی سویلدی

احمد حسین صدیق

(مدعی شخصی کلزار ولد حارونک تحلینی)

(اجرا قلنان استنطاق کتبه سنندن بغدیگ)

(افندیگن ترجانغیله تکرار ضبط اولنان)

(افاده سیدر فی ۳۰ تشرین اول سنه ۳۰۵)

س قنغی کویلیسک

ج طاپا وانک کویلیم

س پکنلرده توان قریه سی دبشک

ج یا ککش یازمش کوی یز طاپا وانک کوییدر

س مانوق واغوب قتل اولدیغنی وقت
بر مستنطق و برضا بطه مأموری کویکزه کلش
سنکده افاده کی الیدر می

ج خیر بنندن برشی صورمدیلر و افاده کی
الیدر

س بو مأمورلر سزندن ایشی صورمقی اوزره
کلشدر فصل صورمدیلر

ج بنم خیرم یوقدر بنندن صورمدیلر بن
اوده شاشر مش قالمشیدم

س قوجهک کیم ایدی

ج اغوب ایدی

س قاج اوغلاک واردی

ج ایکی ارکک اوچ قز بش چوجقلم وار

س ارکک چوجقلم اسمری نهدر

ج بریسنک وارطان بریسنکده صامیکدر
فقط صامیک دکلدرد میناس غن

س بونک اسمی هم صامیک هم میناس غنیدر

ج اونوتدم اسمی میناس غندر فقط اونوتدمده
صامیک دبدم

س بر آدم چوجقلم اسمنی اونو طور می

ج شاشردم او یله سویلدم باشمه کلان
فلاکتلر بنی شاشقین ایدی

س وفات ایدن مانوق سنک بن ایدی

ج اغوبک پدری بنم قان پدرم ایدی

س اوغلاک وارطان زرده در

ج مملکتده در

س قاج یاشنده در

ج اون اوچ یاشنده در

س اونو یچون کلدی

ج اوفیق چوجقلم وار هم انلره وهم ده
اوی اداره ایچون مملکتده بر اقدق

مابعدی وار

اعلان

ابراهیم افانک سالم بک ذمتنده الاجعی اولان
مبالغه مقابل مرهون بولنان میرموی البهک
اسکدارده قوز غنچق جوارنده عز یزه جاده سنده
کائن الی نومرولی و دروننده حرم و سلاملق
اوله برق سکز او طه و بر قیو و اشجار مثمره و غیر

مشرقی حاوی کروی ملک باغ و کوشکده اولان
نصف حصه سنک تاریخ اعلان اعتباراً اون بش
کون صکره بالمزایده فروخته مبادرت اولنه جنی
اسکدار اجرا دآره سندن اعلان اولنور .
فی ۱۹ شباط سنه ۳۰۵

پنجشنبه کونی سلوری اجرا دآره سنه مراجعت
ایتلری اعلان اولنور .
فی ۲۴ شباط سنه ۳۰۵

سلوری قضا سنه تابع کوسمز قریه سنک اوج
بوز بش سنه سی اعشار ملترمی چانطه قریه لی
خرستاکی کهیاک سنه مرقومه کانون ثانی تقسیط
بداندن مال صندوقه بورجی اولان پیک بدیوز
التمش سکز غروشله آروجه حساب اولنه جنی
گذشته ومصارف محاکمک تأمین استیفاسی ضمنده
قضاء مذ کوره مال مدیری رفعتلو کاظم بک
طرفندن محجوز بولنان مدیون مرقومک مذ کور
چانطه قریه سنه کلوری بولبله سلوری بولی
اره سنده اساس املاک دفترینک بوز اون اوج
نومروسنده مقید متصرف اولدیغی سکز دوغم
برقطعه باغنک اوچبوز التي سنه سی مارتک اون
درنجی چهارشنبه کونی فروخته نشبت ایبلهرک
سلوری وچانطه چارشولرنده مزایده علنیه سی
اجرا ایتدیربله جنی اعلان اولنور .
فی ۲۶ شباط سنه ۳۰۵

سلور بلی پاپاس اوغلی بقال پانده لینک ینه
سلوری ساکنلرندن حسن ادیب افندی ذمتنده
مذ کور سلوری قضاسی بدایت محکمه سندن
معطی فی ۲۱ شباط سنه ۳۰۳ تاریخ و طه سان
درت عدولی برقطعه اعلام نظامی موجب
محکوم به الاجبی اولان التي بوز بتمش بش
غروشله بالاخره حساب ایبله جنک گذشته
ومصارف محاکمک تأمین استیفاسی ضمنده
رأس المال و گذشته ومصارف محاکمه وسارویه
تأدیه به کفالت ابدن مذ کور سلوری قصبه سی
اهالی سندن اسعد افانک داین مرقوم طرفندن
محجوز بولنان قصبه دروننده جوانی زقاغنده
متصرف اولدیغی رباب قصاب دکانی بالمزایده
ایکی پیک بوز غروشده طالبی عهده سنده تقرر
ایدوب قرار داده سی اجرا قلمش اولدیغندن
مذ کور دکانه یوزده بش ضمیمه طالب اولنلرک
اوچبوز التي سنه سی مارتک یکرمی طقوزنجی

سلوری قضا سنه تابع اقوربان وجولیه
سکیان و قلیجلی کبیر قریه رینک اوچبوز بش
سنه سی اعشار ملترمی سلور بلی سفیان اغازاده
رفت بک حصه امانه دن قضاء مذ کور بانق
شعبه سی صندلیغه سنه مرقومه تشرین ثانی
وکانون اول تقسیطلرندن بورجی اولان درت بیک
اوچبوز طه سان درت غروشک تأمین استیفاسی
ضمنده شعبه مذ کوره رئیس وکاتبی طرفلرندن
محجوز بولنان مدیون مومی الیهانک مذ کور
قلجلی کبیر اراضی سندن اساس املاک دفترینک
برنومروسنده مقید صفوق پیکار نام محله اوج
حصه اعتباربله متصرف بولندیغی بیک بشبوز
دوغم برقطعه ترلاده کی حصه شایعه سی اوچبوز
التي سنه سی نیسانک او توننجی کونی قرار داده سی
اجرا قلمش اوزره موقع مزایده به قونلدیغی
اعلان اولنور .
فی ۲۷ شباط سنه ۳۰۵

عواص قریه سی اهالی سندن دکرنجی اوغلی
واسیلک چادر جی اصنافندن درویش مصطفی
افندی به ایکی قطعه اعلام شرعیله مدیون بولندیغی
مبلغ معلومه نک تأمین استیفاسی ضمنده مدیون
مرقومک پدری استاوریدن منتقل شایعاً متصرف

اولدیغی قریه مرقومه کون طرفلری طریق
عام و پراشکوه خانه سی ویانی دکانی ایله محدود
درت بوز زراع رباب خراب عتیق خانه و یته
محل مذ کورده کائن طرفلری استغانی مارقو خانه سی
وارستی وزوغراقو بیچیه سی وصاحب سندن
خانه سی وطریق عام ایله محدود درت بوز زراع
مغازه عرصه سی التمش برکون طرفنده جریان
ابدن مزایده علنیه نتیجه سنده بیک بش بوز
غروش بدل ایله طالبی عهده سنده تقرر ایتمکله
موقت قرار داده سی اجرا قلمش اعلان
اوتوز برکون صکره احاله قطعه سی اجرا
قلمش جنندن مدت مذ کوره طرفنده طالب اولنلرک
یوزده بش ضمیمه پی قبول اولنه جنی ودها زیاده
معلومات المق ایستیانلرک مرقی قریه سنده چکمه
صغیر اجرا دآره سنه مراجعت ایتلری اعلان
اولنور .

فی ۱ مارت سنه ۳۰۶

شیخ حمدی افندی نک درسه عادت بدایت
محکمه سی برنجی حقوق دآره سندن صادر
اولان فی ۲۲ تشرین ثانی سنه ۳۰۵ تاریخلی
اعلام موجبجه متولیه امینه عصمت خانم ذمتنده
الاجبی اولان بالغ معلومه نک تأمین استیفاسی
ضمنده تحت مجزه انسان اسکدارده قره داود

پاشا محله سنده قره جبه احد جاده سنده واقع
 ذکور و اناثه مخصوص دروننده صفوق و صیحاوق
 حلوتله یکریمی ایکی موصلق و درت ابد سخانه
 و بر جامه کان و بر او طه و بر چاشور قفسی و بر
 قهوه او جانغی و بشبوز الی آرشون مقداری
 اودونلق و بر کبیر طولابلی بوستان قیوسی و بر
 صو خزینه سی و فو قاتی و تختانی اخشاب الی
 اوطه بی شامل یوز الی بش نومرولی بر باب
 چیفته کبیر جام ایله مشتملاتیدن اولوب تختنده
 واقع مکرر یوز الی بش نومرولی بر باب دکان
 و ایکی بودرومک سکر حصه اعتبارله موسی الیهانک
 متصرفه اولدیغی بر حصه سنک قیمته نظراً نصفی
 دینته کفایت ایده چکی اکلاشش اولدیغندن
 مذکور جام مشتملاتیک سکر حصه اعتبارله
 بر حصه نصفنک تاریخ اعلان اعتباراً اون بش
 کون صکره بالمزایده فروخته تشبث اولنه جغی
 در سعادت اعلامات نظامیه اجرا دائره سندن
 اخبار اولنور .

فی ۶ مارت سنه ۳۰۶

در علیه ده مصطفی پاشا خاندنہ مقیم جوان
 سحاقیان نام کسمنه ننگ در سعادتته شهزاده باشنده
 دکانده ساکن ایکن بوکره اقامتگاهری مجهول
 بولندیغی خبر ویریلان اکیلی قصاب عزت
 وارزنجانی محمد افندیلر علیه در سعادت محکمه
 تجارتی ایکنجی مجلسنده بر قطعه امره محرر سند
 منظوقجه اقامه ایلبیکی ایکی بشبوز الی
 غروش مطلوبات اداسنک یک اوچبوز الی
 سنه سی مارتنک اونوز برنجی جمعه ایرتسی کونی
 ساعت التیده محکمه مذکورده فصل ورؤیت
 اولنه جفندن یوم و وقت مزبورده موسی الیهما
 عزت و محمد افندیلر محکمه مذکورده حاضر
 بولمز و طرفلرندن مصدق سندله وکیل کوندرمز
 ایسه حققرنده اصول محاکمه تجارت نظامنامه سنک
 مواد مخصوصه سنه توفیقاً معامله قانونیه ننگ اجرا
 اولنه جغی معلوم اولق اوزره تنظیم اولتسان
 دعوتیه ورفه سی محکمه ننگ دیوانخانه سنه تطبیق
 اولندیغی کبی غزنه لر واسطه سیله دخی اعلان
 کیفیته ابدار قلندی .

فی ۲۸ رجب سنه ۳۰۷

و ۸ مارت سنه ۳۰۶

مطبوعه عامه ده طبع اولمشدن
 در حصه اعتبارله رفته زنده لسانه ربه نالو قی

جريدة محاکم

جمعه ایرتسی

نومرو	شعبان	سنه	مارت	سنه	صفیحه
۵۳۹	۷	۱۳۰۷	۱۷	۱۳۰۶	۶۵۴۳

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکریمی غروش)
 (حسایله التمش غروشدر . طشره لر ایچون اونیش غروش بوسته اجرتی ضم اولنور . بهر)
 (نسخه سی ینه مجیدیه یکریمی غروش اولق اوزره یوز باره یه هر رده ساتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولق استیانلر عدلیه نظارتی)
 (دائره سنده کاشن جریده محاکم اداره سنه مراجعت ایلملیدر)

- (فی ۴ شعبان سنه ۳۰۷ و فی ۱۳ مارت)
- (سنه ۳۰۶ تاریخده عموم ولایات استیناف)
- (مدعی عمومی لرینه و مدعی عمومی بولنجیان)
- (محاکم مدعی عمومی مساوئرینه یاز یلان)
- (نحریرات عمومی صور تیدر)

دعای حقوقه ننگ انشای رؤیتنده وظیفه
 و صلاحیته دائر بر ادما و اعتراض و فوعنده
 مدعی عمومی و یا معاون و یا خود وکیلنک
 محاکمه بولندیر بله رق مطالعه سنک استماع
 و اعلامه درجی تشکیل محاکم قانوننک التمش
 بشنجی ماده سنده و صرح اولدیغی حالده تمیز
 اولنان اعلاماتک اکثر سنده اشبو قاعده قانونیه یه

قسم رسمی

توجیهات

عدلیه نظارت جلیله سی امور جزائیه
 مدیری سعادتلو جلال بک افندی به ایکنجی رتبه دن
 مجیدی نشان ذیشانی احسان بیورلشددر .